

**Broj: 02-133-JP-1/23**

**Datum: 9.02.2023. godine**

**Udruženje za borbu protiv korupcije Transparency International u Bosni i  
Hercegovini objavljuje:**

**JAVNI POZIV**

**za dostavljanje ponuda za uslugu izrade online baze pravosuđa u BiH**

**Uvodne napomene:**

Transparency International u Bosni i Hercegovini (TI BiH) i Balkanska istraživačka mreža Bosne i Hercegovine (BIRN BH), implementira projekat pod nazivom „Unapređenje odgovornosti kroz jačanje mreža organizacija civilnog društva – SANCUS“, koji je finansijski podržan od strane Evropske Unije. Cilj projekta predstavlja unapređenje transparentnosti i odgovornosti pravosuđa u BiH, sa posebnim fokusom na transparentnost i efikasnost postupaka procesuiranja korupcije u BiH. Jedna od komponenti projekta jeste i izrada online baze pravosudnih institucija, koja sadrži:

- **Indeks transparentnosti sudova i tužilaštava u BiH**
- **Detaljne informacije o sudovima i tužilaštvima**
- **Detaljne informacije o predmetima korupcije koje TI BiH i BIRN BH prate pred sudovima i tužilaštvima**
- **Detaljne informacije o disciplinskim predmetima koje TI BiH i BIRN BH prate pred Uredom disciplinskog tužioca**
- **Kanal za prijavu nepravilnosti u radu pravosudnih institucija**

**Specifikacija baze pravosudnih institucija:**

Predložena rješenja treba da odražavaju funkcionalnost u prilogu (Prilog: Tehničke specifikacije – Baza pravosuđa).

**Vremenski period implementacije:**

50 dana od dana potpisivanja ugovora.

**Podaci o ponudi:**

Ponuda za pružanje usluge izrade baze pravosudnih institucija treba da sadrži dva dijela u posebno zapečaćenim kovertama, sa vidno naglašenim nazivima: Tehnička ponuda i Finansijska ponuda.

## **Uslovi za kvalifikaciju ponuđača:**

### **1. Lična sposobnost**

Udruženje za borbu protiv korupcije „Transparency International“ u BiH će odbaciti ponudu ako:

- a) Je kandidat/ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u BiH;
- b) Da je kandidat/ponuđač pod stečajem ili je predmet stečajnog postupka;
- c) Kandidat/ponuđač nije ispunio obaveze u vezi sa plaćanjem penzionog i invalidskog osiguranja i zdravstvenog osiguranja, u skladu sa važećim propisima u BiH;
- d) Kandidat/ponuđač nije ispunio obaveze u vezi sa plaćanjem direktnih i indirektnih poreza u skladu sa važećim propisima u BiH.

U svrhu ispunjavanja uslova koji se tiču lične sposobnosti ponuđači trebaju da uz ponudu dostave izjavu ovjerenu kod nadležnog organa (u prilogu javnog poziva).

### **2. Sposobnost obavljanja profesionalne djelatnosti**

Što se tiče sposobnosti za obavljanje profesionalne djelatnosti, ponuđači moraju biti registrovani u Bosni i Hercegovini za obavljanje djelatnosti koja je predmet javne nabavke.

U svrhu dokazivanja profesionalne sposobnosti ponuđač/pravna lica trebaju uz ponudu dostaviti ovjerenu kopiju dokumenta o registraciji.

### **3. Tehnička i poslovna sposobnost**

Uspješno iskustvo u realizaciji najmanje jednog ugovora o pružanju usluga u vezi sa predmetom nabavke ili ugovora koji su po karakteru i kompleksnosti slični uslugama predmeta javne nabavke.

U svrhu dokazivanja tehničke i poslovne sposobnosti ponuđači trebaju uz ponudu dostaviti i spisak izvršenih ugovora koji su u vezi sa predmetom nabavke – lista uključuje predmet, vrijednost, datume, naručioce i linkove ka dostupnim predmetima ugovora

**Tehnički dio ponude** treba da sadrži:

1. Tačan naziv i adresu pravnog lica, broj telefona, e-mail i web adresu;
2. Izjavu ponuđača ovjerenu kod nadležnog organa (u prilogu javnog poziva);
3. Ovjerenu kopiju dokumenta o registraciji koja dokazuje da je pravno lice registrovano za obavljanje djelatnosti koja je predmet nabavke;
4. Spisak izvršenih ugovora koji su u vezi sa predmetom nabavke – lista uključuje predmet, vrijednost, datume, naručioce i linkove ka dostupnim predmetima ugovora;
5. Prijedlog rješenja koja će biti korištena u izradi baze, a treba da sadrži minimalno sljedeće:
  - Vremenski okvir, odnosno plan implementacije;
  - Plan idejnog rješenja u skladu sa okvirom predloženim u prilogu javnog poziva (Prilog: Baza pravosuđa u BiH);

- Dužina trajanja i opseg tehničke podrške.

**Finansijski dio ponude** treba da sadrži prijedlog budžeta za izradu online baze, kao i obračun svih poreskih obaveza u skladu sa važećom poreskom regulativom.

Izbor najpovoljnijeg ponuđača će se izvršiti prema sljedećim kriterijumima za ocjenjivanje:

- 4. Prijedlog rješenja 40%**
- 5. Reference 10%**
- 6. Finansijska ponuda 50%**

**Procijenjena vrijednost usluge koja je predmet javnog poziva** iznosi 15.000,00 BAM

**Rok za dostavljanje ponude je** 23. februar 2023. godine u 12.00 sati.

Ponude se dostavljaju na adresu: Transparency International u BiH, Mula Mustafe Bašeskije 9/1, 71 000 Sarajevo.

Ponude dostaviti u zapečaćenoj omotnici, odvojeno tehnička i finansijska ponuda, sa naznakom „NADMETANJE ZA IZRADU ONLINE BAZE PRAVOSUĐA U BIH“.

Javno otvaranje ponuda obavit će se 23. februara 2023. godine u 12:15 sati. Zapisnik sa otvaranja ponuda će svim ponuđačima koji su dostavili ponudu biti dostavljen isti dan.